

氏族典第五百五十卷

聶姓部彙考

廖用賢尙友錄 聶姓

聶河東徵音衛大夫食采於聶因氏焉又望出新安

聶姓部列傳

周 聶政

按史記刺客傳聶政者軹深井里人也殺人避仇與母姊如齊以屠爲事久之濮陽嚴仲子與韓相俠累有卻求人以報俠累至齊齊人或言聶政勇敢士也嚴仲子至門請數反酒酣嚴仲子奉黃金百鎰前爲聶政母壽聶政驚怪固謝嚴仲子辟人因爲聶政言聶政曰老母在政身未敢以許人也嚴仲子固讓聶政竟不肯受久之聶政母死旣葬除服聶政乃獨行杖劍至韓韓相俠累方坐府上持兵戟而衛侍者甚衆聶政直入上階刺殺俠累左右大亂聶政大呼所擊殺者數十人因自皮面決眼自屠出腸遂以死韓取聶政屍暴於市購問莫知政姊榮如韓之市伏屍哭極哀曰是軹深井

里所謂聶政者今乃以妾尙在之故重自刑以絕從妾其奈何畏歿身之誅終滅賢弟之名乃大呼天者三卒於邑悲哀而死政之旁晉楚齊衛聞之皆曰非獨政能也乃其姊亦烈女也

漢 聶良 聶尙 聶壹

按弇州山人藁良潁川太守 按萬姓統譜尙護羌校尉 按弇州山人藁壹鴈門馬邑豪也

吳 聶友 聶熊 聶師道

按萬姓統譜友字文悌豫章人吳將軍 按萬姓統譜熊中書令 按萬姓統譜師道入吳爲

國師號問政先生時有于方外爲荆南書記棄妻入太白山學養氣之術師道從之

唐 聶夷中

按萬姓統譜夷中擢進士有詩名傷田家云二月賣新絲五月糶新穀醫得眼前瘡剜却心頭肉我願君王心化作光明燭不照綺羅筵偏照逃亡屋孫光憲謂其有三百篇之旨

後漢 聶文進

按五代史聶文進傳文進并州人也少爲軍卒善書筭給事漢高祖帳中高祖鎮太原以爲押司官

高祖卽位歷拜領軍屯衛將軍樞密院承旨周太祖爲樞密使頗親信之及謀殺楊邠等文進指揮殺戮以爲己任隱帝遇弑文進亦見殺

宋 聶崇義

按宋史聶崇義傳崇義河南洛陽人少舉三禮善禮學通經旨漢乾祐中累官至國子禮記博士校定公羊春秋刊板于國學周顯德中累遷國子司業兼太常博士世宗詔崇義參定郊廟祭玉崇義因取三禮圖再加考正建隆三年四月表上之太祖覽而嘉之賜崇義紫袍犀帶銀器繒帛以獎之未幾卒三禮圖遂行於世并畫於國子監講堂之中

聶冠卿

按宋史聶冠卿傳冠卿字長孺歙州新安人五世祖師道楊行密版奏號問政先生鴻臚卿冠卿舉進士授連州軍事推官大臣交薦召試學士院校勘館書籍遷大理寺丞通判蘄州再遷太常博士復集賢校理判登聞鼓院歷開封府判官三司鹽鐵度支判官同修起居注累遷尙書工部郎中預撰景祐廣樂記特遷刑部郎中以兵部郎中知制誥判太常禮院糾察刑獄奉使契丹還同知通

進銀臺司審刑院入翰林爲學士母亡起復判昭文館未幾兼侍讀學士冠卿每進讀左氏春秋必引尊王黜伯之義以諷一日墜笏上前帝憫冠卿喪毀羸瘠旣退賜禁中湯劑未幾告歸葬親至揚州卒詔以其弟太常博士世卿通判宣州冠卿嗜學好古手未嘗釋卷尤工詩有蘄春集十卷

聶厚載

按萬姓統譜厚載皇祐中知秀州以循政聞

聶昌

按宋史聶昌傳昌字幸達撫州臨川人始繇太學上舍釋褐爲相州教授召除祕書郎擢右司員外郎以直龍圖閣爲湖南轉運使還爲太府卿戶部侍郎改開封尹復爲戶部昌本厚王黼旣而從蔡京爲黼所中罷知德安府又以鄉人訟謫崇信軍節度副使安置衡州欽宗立拜兵部侍郎進戶部尙書領開封府昌遇事奮然不顧敢誅殺李綱之罷太學生陳東及士庶十餘萬人撾鼓伏闕王時雍欲寘東等獄昌力言不可乃止京師戒嚴拜同知樞密院入謝卽陳扞敵之策金人再議和割兩河詔耿南仲及昌往至絳絳人閉壁拒之昌持詔抵城下縋而登州鈐轄趙子清磨衆害昌年四十

九建炎四年贈觀文殿大學士諡忠愍父用之年九十以憂死昌爲人疎雋喜周人之急然恩怨太明卒至禍變

聶山

按萬姓統譜山有讀書堂在新昌慶門院自序云頃歲讀書于此面方池池面有竹百餘竿一日洪少穎見訪題詩壁間比蒙恩自都司除河南漕挈家新昌尋少穎題已漫滅矣追憶其韻乃和三絕官至樞密

聶致堯

按萬姓統譜致堯邵陽人事親孝臨才廉周急貧困邦人義之列舉孝行節義十事守宰以聞詔表其門張栻爲題其額

聶子述

按萬姓統譜子述字善之南城人紹熙中進士官至吏部侍郎尋以制置使出帥西蜀勲名益著已而致政歸適有盜殺郡守朝廷遣將屠城子述單騎至麾下力陳民冤乃止殺其渠魁民賴以安卒

諡文定

金 聶天驥

按金史聶天驥傳天驥字元吉五臺人至寧元年進士調汝陰簿歷睢州司候封丘令興定初辟爲
尙書省令史尋授吏部主事權監察御史忤太后旨出爲同知汝州防禦使事未赴陝西行尙書省
驛召特旨遙領金安軍節度副使兼行尙書省都事未幾入爲右司員外郎轉京兆治中尋爲衛州
行尙書六部事慶陽圍急朝廷遣宿州總帥牙古塔救之以天驥充經歷官圍解從別帥守邠帥欲
棄州而東天驥力勸止之不從帥坐是被繫逮天驥降京兆治中尋復右司員外郎丁母憂奪哀復
職哀宗遷歸德天驥留汴中崔立變天驥被創甚臥一十餘日其女舜英謁醫救療天驥嘆曰吾幸
得死兒女曹乃爲謁醫尙欲我活耶竟鬱鬱以死舜英葬其父明日亦自縊天驥沈靜寡言不妄交
起于田畝能以雅道自將踐歷臺省若素宦然

元 聶珪 聶輝

按萬姓統譜珪平定人授都元帥總管平定等處兵馬子大本有學行從憲宗下蜀後爲平江路治

中有聶輝者亦平定人累官兵工二部尙書後以陝西行省參政致仕

聶從政

按萬姓統譜從政大德中守南豐州其巡行境內必自齋糧清苦而能持久夙興晏罷修水利盡地力旱饑有備

聶炳

按元史聶炳傳炳字韞夫江夏人元統元年進士授承事郎同知平昌州事轉寶慶路推官至正十二年遷知荊門州纔半歲淮漢賊起荊門不守炳出募士兵得衆七萬復荊門又與四川行省平章政事咬住復江陵旣而賊勢復振合兵來攻炳率孤軍晝夜血戰援絕城陷爲賊所執極口罵不絕賊支解之未幾賊陷潛江縣達魯花赤明安達爾出鬪死其家殲焉

明
聶震 聶循

按萬姓統譜震長山人洪武中登進士第歷官戶部員外郎端謹有守後陞本部左侍郎 按萬姓統譜循江西人永樂進士

聶好謙

按萬姓統譜好謙字用美豐城人永樂進士知廣州洞民嘯聚好謙往撫之賊皆感泣歸歎遇寇圍城好謙與布政戴弁發官粟賑之全活者衆病卒於官都御史楊信民哭之曰平生兩行淚深爲越人傾

聶用人

按萬姓統譜用人豐城人正統間以監察御史出同知邵武府事公平廉介撫民有方

聶大年

按萬姓統譜大年臨川人一目重瞳穎悟絕人以詩文名又善畫宣德末薦授仁和縣學教諭教誨有法士類振起景泰中以修史徵入翰林

聶蒙昌

按萬姓統譜蒙昌豐城人天順進士

聶賢

按萬姓統譜賢字承之長壽人弘治進士歷副都御史巡撫南贛老成安靜均平里甲作興學校士民德之累官刑部尙書

聶豹

聶瑄

聶靜

聶瀛

按萬姓統譜豹字文蔚永豐人正德進士歷官兵部尙書太子太保贈太保諡貞襄

按萬姓統

譜瑄字廷器平原人正德丁丑進士歷少卿

按永豐縣志靜字子安邑人登嘉靖乙未進士歷

儀制郎中

按萬姓統譜瀛字汝登新河人嘉靖庚戌進士歷參議

聶姓部紀事

宋史聶崇義傳郭忠恕嘗以其姓嘲之曰近貴全爲聶攀龍卽作聶雖然三個耳其奈不成聰崇義對曰僕不能爲詩聊以一聯奉贈答曰勿嘲有三耳全勝畜二心蓋因其名以嘲之忠恕大慚

莢姓部彙考

應劭風俗通

莢姓

莢成僖子晉大夫也

凌迪知萬姓統譜 英姓

英音頰漢藝文志有英氏春秋 晉王僧孺百家志荀永之娶平陽英氏

英姓部列傳

明 英斌 英庸勳 英開藻 英華先

按萬姓統譜斌六安人宣德中任長陽縣丞 按清流縣志庸勳以子華先貴贈中書舍人

按清流縣志開藻恩廕任光祿寺署丞 按清流縣志華先文華殿中書事親孝與人任真推分

絕無城府嗜義樂施賑窮周急根於至性崇禎間龍津鳳翔二橋告圯捐金佐修急公皆如此類

俠姓部彙考

凌迪知萬姓統譜 俠姓

俠音夾卽英氏

俠姓部列傳

周 俠累

按史記刺客傳聶政者軹深井里人也殺人避仇與母姊如齊以屠爲事久之濮陽嚴仲子與韓相俠累有郤求人以報俠累至齊齊人或言聶政勇敢士也嚴仲子至門請聶政曰老母在政身未敢以許人也久之聶政母死既葬除服聶政乃獨行杖劍至韓韓相俠累方坐府上持兵戟而衛侍者甚衆聶政直入上階刺殺俠累左右大亂聶政大呼所擊殺者數十人

漢 俠都敵

按萬姓統譜都敵見急就章

宋 俠亶

按萬姓統譜亶郎中

捷姓部彙考

廖用賢尙友錄 捷姓

捷曹姓郊公子捷之後

捷姓部列傳

周 捷子

按萬姓統譜捷子六國時人著捷子三篇

輒姓部彙考

凌迪知萬姓統譜 輒姓

輒風俗通衛出公之後

輒姓部列傳

漢 輒終古

按萬姓統譜終古開封人

涉姓部彙考

鄭樵通志 入聲

涉氏晉大夫涉他神仙傳涉正宋太平登科有涉緯

涉姓部列傳

周涉他涉賓

按鄭樵通志晉大夫涉他

按萬姓統譜賓晉邯鄲午家臣

秦涉間

按萬姓統譜間秦將

晉涉正

按萬姓統譜正見神仙傳

宋涉緯

按鄭樵通志太平登科有涉緯

接姓部彙考

鄭樵通志入聲

接氏三輔決錄有接子

接姓部列傳

周 接予

按萬姓統譜予齊人道家者流

漢 接昕

按三輔決錄接子名昕著書十篇

明 接恭 接武 接廷瑞

按蓬萊縣志恭永樂間舉人 按萬姓統譜武昌州人正德中舉人任知縣 按諸城縣志廷

瑞正德中任兩淮定豐倉副使

夾姓部彙考

凌迪知萬姓統譜 夾姓

夾春秋有夾氏

夾姓部列傳

明 夾允

按萬姓統譜允性敏而貧求仕任陳州司獄

鄴姓部彙考

凌迪知萬姓統譜 鄴姓

鄴見風俗通

鄴姓部列傳

漢 鄴鳳

按萬姓統譜鳳梁令

法姓部彙考

後漢書 法雄傳

法雄字文彊扶風郿人也齊襄王法章之後秦滅齊子孫不敢稱田姓故以法爲氏

廖用賢尙友錄 法姓

法扶風徵音齊襄王名法章支孫以名爲氏

法姓部列傳

後漢 法雄

按後漢書法雄傳雄字文彊扶風郿人也齊襄王法章之後秦滅齊子孫不敢稱田姓故以法爲氏宣帝時徙三輔世爲二千石雄初仕郡功曹除平氏長善政事好發擿姦伏盜賊稀發吏人畏愛之遷宛陵令永初三年海賊張伯路等三千餘人寇濱海九郡黨衆浸盛乃遣御史中丞王宗持節發幽冀諸郡兵合數萬人乃徵雄爲青州刺史與王宗并力討之連戰破賊斬首溺死者數百人餘皆驚恐遁走遼東止海島五年復抄東萊雄率郡兵擊斬平之在州四年遷南郡太守斷獄省少戶口益增在郡數歲歲常豐稔初平中卒官子眞

法眞

按後漢書法眞傳眞字高卿扶風郿人南郡太守雄之子也好學而無常家博通內外圖典爲關西大儒弟子數百人性恬淡寡欲不交人間事辟公府舉賢良皆不就會順帝虛心欲致前後四徵眞遂深自隱絕終不降屈友人郭正稱之曰名可得聞身難得而見逃名而名我隨避名而名我追刊